



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola C. Gregorii Papae I. Ad Habitatores Capreae Insvlæ. De episcopo
eis constituendo, si schismaticus vnitatem fidei amplecti noluerit.

urn:nbn:de:hbz:466:1-15221

EPISTOLA XCIX.

GREGORII PAPÆ I.

AD MARINIANVM EPISCOPVM RAVENNÆ.

De schismaticis ad ecclesiæ vnitatem reuersis.

Gregorius Mariniano episcopo Rauennæ.

LA TORES præsentium ad nos de Istriæ partibus ve-
nientes, vnitati se ecclesiæ subdi auxiliante Domino
cupierunt. Quos pro sui laude desiderii cum affectu suscep-
imus, eosque de conseruatione adeptæ vnitatis præmissa
exhortatione nostræ quoque, sicut eorum desiderium e-
rat, ecclesiæ fecimus militare. Quos fraternitas vestra gra-
tanter excipiat, eisque opem, cum exegerint, libenter im-
pendat; quatenus ad propria reuertentes, nullis, * vt bo-
num operis sui peragere valeant, peruersorum inquietu-
dinibus fatigentur. Magis autem apud excellentissimum
filium nostrum exarchum id studiosius peragite, vt suis
illos iussionibus apud eos, quorum illic interest, securos in
omnibus reddat; vt horum quiete aliorum quoque adhuc
in schismate positorum animi ad conuerzionis gratiam
prouocentur.

EPISTOLA C.

GREGORII PAPÆ I.

AD HABITATORES CAPREÆ INSVLÆ.

De episcopo eis constituendo, si schismaticus vnitatem
fidei amplecti noluerit.*Gregorius habitatoribus Capreæ insulæ.*

REDEMPTOR noster Dei hominumque mediator con-
ditionis humanæ non immemor, sic imis summa con-
iungit, vt ipse in æternitate permanens, ita temporalia oc-
culto instinctu pia consulens moderatione disponit; qua-
tenus de eius manu antiquus hostis nullatenus rapiat, quos
ante sæcula intra sinum matris ecclesiæ coadunados es-
se præsciuit. Nam et si quisquam eorum, inter quos corpo-
raliter degit, flatibus motus ad tempus vt palmes titubet,
radix tamen rectæ fidei, quæ ex occulto prodit, diuino iu-
dicio virens manet, quæ accepto tempore fructum de se

ostentare valeat qui latebat. Quod in vobis nunc ex desiderio vestro gestum esse superni respectus illustratione cognoscimus, qui schismaticorum inter quos habitatis pertinaciam refutantes, coadunari ouili dominico mente promptissima ipsa rei operatione monstratis. Quibus enim scissura displiceret, sanos se velle esse testantur, & reprobantes errorem, ostenditis vos amare quod rectum est, vitare quod deuum. Hinc est quod nos & vestra dudum directa petitio, & latorum praesentium, & responsaliū vestrorum salubria postulantum laetificauit aduentus, per quos significastis vos & deuios reprobare gressus errantium, & rectum salutis iter querere, per quod unitati vos sanctæ ecclesiae reformantes, ad retributionem bene operantium, qui intra eius finum constituti sunt, debitam tenderetis. Vnde sic laudabilem vestramque in æternum animæ profuturam voluntatem vestram cum omni gaudio sumus libenter amplexi; hoc cum Domini auxilio disponentes, ut si quidem episcopus, quem vobis in vestra reformari petueratis ecclesia, a schismaticorum lapsu se segregans, ecclesia voluerit unitati coniungi, fratri & coepiscopo nostro Mariniano euidenter scripsimus, qualiter petitionem vestram ex nostra auctoritate debeat confirmare. Sin vero, quod optandum nobis non est, ab illorum se noluerit schismate separare, idem, quomodo vestra ecclesia proprium habere valeat sacerdotem, praedicto fratri & coepiscopo nostro scripsimus; quatenus in utroque & pia mentis vestrae deuotio sortiatur effectum, & grex dominicus contra insidiantis inimici iacula sit securus.

EPISTOLA CI.

GREGORII PAPÆ I.

AD FELICEM.

Conqueritur ab ecclesia suas possessiones fuisse
occupatas.

Gregorius Felici in Sicilia.

SVSCPTIS magnitudinis vestrae epistolis contristati sumus, quod ab auctoribus ecclesiæ Syracusanæ quafdam possessiones, quas vos tenuisse dicitis, occupatas irrationaliter indicastis. Sed credimus quia hoc ad fra-